

康熙延綏鎮志

(清)譚吉璫纂修



七三）刻。本書六卷，清康熙十二年（一六

重脩延綏鎮志序

賜進士第原任翰林院檢討順治 大訓纂脩官清湖白乃貞廉叔父撰

國邑之有志於焉貢及周禮大司空所掌而漢書因之作地里志後遂各為紀乘以志郡與邑是志也者存其里野土風人官物曲所以備稽詢而資治道也哉

國家奠鼎以來九有允綏四隅式廓誠為輿圖之極盛矣今

天子躬理萬幾遠覽古今特

詔尚德緩刑期登比屋可封之治迺精簡才望分布

封疆如 大將軍許公都興雄鎮文算武昭羌漢寧

證 憲副使高公以清勤勵已威惠雷洽荒餘悅服

斯時也內外臣工莫不仰符

睿慮加意民生海寓承流蒸蒸響化而又得嘉興譚

公以鳳閣右史出守延綏中路夫榆陽為延綏重鎮

地廣而蕪民無生業自昔為然公莅茲土政簡刑清

多方軫恤循猷種種表著西陲因念兵燹之餘舊志

散佚一切故實事宜無所稽考洵非細務也若撰輯

增刪未免勞心思而費物力矣公請諸 憲臺毅然

以纂脩為已任於是博採彙編細提臚列僅逾年而

書成 許 高兩公斟酌至當復捐俸付剞劂以傳

永永走四百餘里微序於余余竊病交侵筆研荒廢

然隸在編戶誼不敢辭雖僻居下邑未睹其志之詳而生逢

文治之光昌日間輿人之歌誦知公為築巖先生之

子築巖先生昔以五經應制海內誦其文章且又與

余家大司寇若水公同年進士而公克繼之才名品

望世德淵源經緯錯綜恢恢乎有餘地則實心實政

真足以上報

聖朝求治之至意矣是書也不僅見公之麗藻鴻辭

而且規公他日之事業并傳不朽云

康熙十有二年歲在癸丑秋八月

延綏鎮志

二

延綏鎮志序

賜進士出身四川巡撫右叅議前四道監察御史官楊素編者為文孫

天下之勢在九邊而秦有其三三邊之勁甲天下而榆林居其首榆林曠衍無阻足據何師出輒以勁鬪曰其人忠勇勇可恃乎山川不習險易不明餉不籌兵不簡練器械不戒方略不嫻勇無能為也明末榆林之已事可鑒已闕逆百萬之師壓鎮城環攻旬日城不陷及陷猶殊死巷戰可不謂勇歟而卒以不保豈非以不習不明不籌不簡練不戒不嫻之故哉然則何以習之曰高敞深谷之必悉也山川宜有志何以明之曰

延綏鎮志

卷序

三

以籌之練之戒之嫻之曰麗趙屯邊韓范閻泉將推孫李計宗鎔略之必預也兵食水利馬政軍器人物藝文宜有志此延綏志之所以作而舟石譚使君之所以為知務也使君之守延綏也留心邊事既熟悉其地之形勝與風俗矣已乃身閱三十六堡若者利戰若者利守若者先事而綢繆久之石畫以定而志成焉攝其書過予問序予惟外史掌四方之志以貢天子郡國皆有志邊塞無志非無志也充國金城圖上介子歟如博兔頃刻之間變態風雲故密其機不以告人若無志然九邊考諸書何嘗不直指利弊耶今天下中外一家烽煙即寂無警而思患預防之

道弗可弛則志誠要也志二十四卷使君一手定之副憲高公大將軍許公相與有成其他則未能增減一字焉志山川地理城池也遠近以其方高下以其勢義取乎設伏設險而天文星野以觀象社稷學校以受成志兵食也詳多寡盈絀之數義取乎稽古以善今而水利以佐飛輓馬政以備估閩志官師人物藝文也重長子之選錄奇正之略義又取乎將將而據策而紀事以昭往猶此意也其意將欲後之人歷其地讀其書思所以明之籌之簡練之戒之嫻之而非徒以其文也使君真知務哉且夫志者志也作者之志也使君以董賈之才出入承明之廬補哀既

延綏鎮志

卷序

四

有其事矣今者職在城堡以志先後者志禦侮凡所規畫即未施之事其志不較然在人哉舊志鏡淵涂公纂於萬曆間合延綏二郡州縣為一書茲刪去不存者邊塞有志原取乎習山川明險易籌餉練兵戒器械嫻方略而非徒以其文也自茲以往三軍勇矣而又有以習之明之籌之簡練之戒之嫻之榆林之甲其可以加九邊幹不庭而

皇國其永磐石矣若夫擴蘊揮聚根之學持例發凡祖之史稿精校藻歸之文則此書之餘事耳

康熙十二年秋七月之望

重脩延綏鎮志姓氏

總裁

鎮守延綏等處地方掛印總兵官都督僉事許占魁字文元陝西西安府蒲城縣人

監脩

整飭榆林中西二路兼分巡道陝西按察司副使高光祉字淑怡直隸真定府晉州人

纂脩

延安府知府王廷弼字調鼎廣東天津府昌平縣人

之閱

延綏府管理延綏各路城堡兼理屯田同知譚吉聰字丹石浙江嘉興府嘉善縣人

綏德州知州祖允圖字洪九盛京錦州府寧遠州人

延綏鎮志

米脂縣知縣黃離恪字雨作廣東廣州府新興縣人

清澗縣知縣江雯字又章江南徽州府休寧縣人

榆林衛儒學教授王調元字贊伯陝西漢中府洋縣人

考訂

綏德州儒學學正王思同字爾貴陝西西安府醴泉縣人

原任安慶府監紀通判王世泰字心亭陝西榆林衛人

校正

榆林衛貢生呂開基

榆林衛監生劉開基

延川縣儒學生員王鼎

榆林衛儒學生員米逢年

延綏鎮志目錄

卷之一

圖譜

天文志

地理志

卷之二

建置志

祠祀志

兵志

食志

卷之三

延綏鎮志

官師志

卷之四

人物志上

人物志下



卷之五



選舉志

紀事志

卷之六

藝文志





野雍州屬魁星則其斗秉之言尤與周禮有合周禮曰馮相氏掌十有二辰二十有八星之位又曰保章氏以星土辨九州之地皆有分星以觀妖祥而箋之者以為星分之書已亡今可言者十有二次之分若鶉首之次在未為秦是已司馬氏即以東井與鬼屬之其郡國所入度雖非古數或東西南北有不依圖地而占之而自漢以來其言諸國皆有徵應乃知太史公著述之精意信而好古有如此後人生於千百年之下紛紛置辯有謂李淳風之非僧一行之是者將何所折中乎雖然羣言淆亂折諸聖今周禮具在而獨不之信者何哉嗟乎疇人分散天官之書多不

延綬鎮志

卷之二

二

學即知其一二者又雜出於傳會若隋代陳後主逃於井開府鮑宏謂東井上於天文為秦王都所在而投井以應之其為誕也甚矣故吾惟本之六經參之三史晉以下無取焉

歲時附

正月元旦鎮俗先一日門換桃符或貼宜春字夜半起以黃紙敬事天地祖禰恭拜父母及親戚之長者飲屠蘇酒由少而老爆竹驅邪闕里交相拜節五日黎明掃除塵垢名送窮神是日飽食謂之填五窮六日炒黑豆撒於房壁名爆大甲七日用糠著地上以艾莊灸之

殺人疾俗以疾七聲相近也十日名老鼠嫁女日是夜家人滅燭早寢恐驚之致羣相害殺參蠶衣裳也十五日上天官誕辰俗所尤重街市徧張燈火花砲及火場倡優戲樂士女聚觀焉是夜用麩為不托名燈瑣注油然燈至十六日蚤作羹食之示收燈也曠時士女或往來於親戚家或載酒出郊外名散百病二十三夜聚豬羊骨雜燒之名煉乾俗諺曰大忌二十三太上老君不出庵煉乾者煉丹也桃符者一名桃板一名仙木其上或書神荼鬱壘字黃汗紙錢也三國志曰熹平中妖賊大起漢中有張修為五斗米道有病者請禱為法書作

延綬鎮志

卷之二

三

三迎其一上天著山上其一埋之地其一沉之水謂之三官此三官之始也火場聚石炭如斗大者累作幢塔狀或獅象形然之通明竟夜不托者言舊未有刀机之時皆掌托烹之故名俗作縛託字今榆人以為燈瑣者象形也楊雄方言餅謂之託

二月朔日俗名開廟門龍神起剗羊以祭二日以灰圍宅舍謂之圍蚩蚩三日蚤取元旦所作黃米人磨和燒黑豆啖之謂之敲蠅子磨平聲磨磨成麩搜之使合并也稱磨者從其始也北方又謂之波矣一名胡餅言以胡麻著之前

延綏鎮志卷之一

地理志

延綏鎮在周為豳地春秋為白翟地戰國時屬趙秦
始皇三十二年命蒙恬略河南拓榆中地千里屬上
郡漢廣長榆為雲中郡及五原郡之南興縣地而榆
谿之水出焉所謂榆谿舊塞是也東漢因之晉為九
原雲中二縣地屬并州新興郡隋初置勝州煬帝初
州廢置榆林郡統縣三日榆林富昌金河有榆林宮
東為榆林關唐武德中沒於梁師都師都平復置勝
州榆林郡領縣二日榆林河漢宋沒於趙德明為夏
境金元為米脂縣地明洪武初定陝西分綏德衛十
延綏鎮志 卷之一

戶劉寵七治正統中河套駸駸為患害特敕都督王
禎鎮守延綏城鎮舊治綏德而外素米脂魚河地幾
三百里成化七年都御史王銳置榆林衛九年巡撫
都御史余子俊創議乃城榆林堡屹然稱巨鎮焉邊
墻起自黃甫川抵雙山十二營堡為東路神木道領
葭州營府谷神木吳堡三縣起常樂抵清平十堡為
中路榆林道領綏德州米脂清澗兩縣起龍州抵鹽
場十五營堡為西路靖邊道領保安安定安塞三縣
轄衛四城堡三十六橫截河套之口內復墾山湮谷
是曰夾道東抵偏關西接寧夏綿亘千八百里而延
綏鎮之名自此始

國朝因之罷巡撫不設以慶陽延安二衛改隸州縣
而靖邊道亦併於榆林轄衛二營四城堡三十一

評曰按地理志上榆中金城郡之屬縣故徐廣史記
音義曰即阮嗣宗勸進文所謂榆中以南者也然始
皇本紀西北逐戎人自榆中並河以東屬之陰山以
此推之則蘇林以榆中在上郡非矣然三十五年使
長子扶蘇北監蒙恬於上郡今之二冢俱在綏德州
雕山之陰豈蒙恬略河南開榆中而仍置師於上郡
不可得而知也要之大漠止有亭障而無道里可稽
不過據虛空鳥路計之而已榆中榆林何必為是紛
紛也且金城之南山有梁暉者為羌中渠帥移居枹
延綏鎮志 卷之一

罕以所執榆鞭監地本便成林即榆中亦有榆林之
名矣大抵塞外土宜榆枹余嘗北出居庸關至宣府
有驛而亦曰榆林焉即長城之間復有曰小榆林者
則知地之目以榆者不一也故先王名之為荒服荒
者忽也簡略也得之矣

延綏鎮城率倚崆山為固西臨榆谿斧河諸水係極
衝中地東至常樂堡四百里至偏關五百里又東至米脂二百里南至
綏德堡四百里至陝西省城一千三百五里西至保安堡三百里
至寧夏一千里又西至固原一
千三百七十里北至延綏八里成化九年都御史余子俊於舊
城北增築城垣置榆林衛指揮使司隸陝西都司二
十二年巡撫黃繼舉北城弘治五年巡撫熊燾展南
城周圍一十三里三百一十四步隆慶元年巡撫王

又自水西門起至信地樓止築邏城七里萬曆元年巡撫張守中修築高厚項濶三丈底濶五丈高三丈六尺嘉靖時巡撫張珩隆慶時巡撫鄒光先萬曆時巡撫宋守約王汝梅憲副洪忻趙雲翔總兵傅津賈國忠周圍漸用磚甃共大樓一十五座腰鋪四十七座東門二西門四南門一萬曆三十五年巡撫涂宗濬於城北十里築鎮北臺於教貢城高七丈層臺峻堞額天險焉邊垣長三十一里零三百五十八步墩臺七十四座

保寧堡 東至鎮城三十里西至漢陽堡四十里南至歸德堡四十里北至大邊一里 舊古梁城明嘉靖四十二年巡撫胡志遠創建城設在平地係極衝下地周

延綏鎮志

卷之一

三

圍凡二里一百四十步樓鋪七座萬曆六年重修九年參將戚士賢增東關邊垣長二十里墩臺三十六座

歸德堡 東至常樂堡八十里西至寧塞堡四十里南至漢陽堡四十里北至鎮城四十里 唐党項州貞觀五年僑

治銀川境疑此明成化中余肅敏公北據虎都伯言置今堡城設在半山半川係腹裏中地周圍凡二里六十七步樓鋪一十五座嘉靖時築關城萬曆五六年重修

魚河堡 東至榆林古柳堡界六十里西至寧塞堡四十里南至漢陽堡四十里北至鎮城四十里 漢國陰地為黑上圪

塔明正統二年巡撫郭 置魚河砦於九股水成化十一年余子俊置今城撤魚兒河軍守之城設在平

川係腹裏上地周圍凡三里三百步樓鋪一十五座萬曆四年磚砌牌牆堞口

鎮川堡 南至天台堡三十里北至漢陽堡五十里西至鎮城一百三十五里

新建城設在平川係腹裏上地周圍凡一里三分舊

報保寧參將轄

響水堡 東至歸德堡四十里西至漢陽堡四十里南至鎮城一百二十里北至大邊七十里 漢國陰地明正統初

巡撫郭 置八年移守平襄堡九年余子俊撤平襄仍守響水城設在山坡係極衝中地周圍凡三里二百一十步樓鋪八座萬曆六七年重修磚砌牌牆堞口邊垣長一十九里零二百七十六步墩臺二十二座

延綏鎮志

卷之一

四

波羅堡 東至響水堡四十里西至漢陽堡四十里南至鎮城一百二十里北至大邊十三里 漢白土縣地明

正統十年巡撫馬恭置城設在山畔係極衝中地周圍凡二里二百七十步樓鋪十座萬曆年間重修磚砌牌牆堞口邊垣長三十五里零四十七步墩臺三十五座

懷遠堡 東至波羅堡四十里西至威武堡四十里南至安塞堡三十里北至大邊二十里 漢白土縣地名為白家

梁天順中築堡撤土門堡軍守之城設在山上係極衝上地周圍凡二里零一十七步樓鋪十二座隆慶六年加高萬曆六年磚砌牌牆堞口邊垣長四十三里零三十七步墩臺二十七座

威武堡 東至懷遠堡四十里西至清平堡四十里南至安塞堡三十里北至大邊四里 漢白土縣地後為響鈴

塔明成化五年巡撫王銳置撤大兔鷓堡軍守之城設在山原係極衝上地周圍二百八十步樓鋪一十四座隆慶六年加高萬曆六年磚砌牌牆梁口邊垣長三十四里零三百二十一一步墩臺二十一一座

清平堡 東至威武堡四里西至龍州城三里南至地安衛屯七十里北至大邊十五里 漢白土縣地後為磚營

兒明成化初巡撫王銳置撤白落城兵守之城設在山原係極衝中地周圍凡三百八十四步樓鋪一十三座隆慶六年加高萬曆六年磚砌牌牆梁口邊垣長三十一里零二百六十九步墩臺三十一一座

常樂堡 南至及州一百四十里北至大邊三里東至雙山堡四十里西至鎮城三里 漢榆谿地又名盆

河克明成化間巡撫盧祥置弘治二年巡撫劉忠因

地沙磧缺水北建二十里建今堡城設在平川係極衝中地城垣周圍凡三里零五十步樓鋪一十五座萬曆六年重修邊垣長一十八里零一百七十六步墩臺三十七座

雙山堡 東至建寧二十里西至常樂堡四十里南至黃河一百二十里北至大邊十里 漢真鄉縣地明正

統二年巡撫郭 築水地灣寨成化間巡撫余子俊移築今堡併折樹會兵守之萬曆六年重修城設在山岡係極衝中地城垣周圍凡三里零九十步樓鋪一十四座邊垣長三十里零四十五步墩臺四十座

建安堡 東至高家堡四十里西至雙山堡五十里南至黃河一百五十里北至大邊五里 漢固陽縣地後為

以上

崕寺子明成化十年巡撫余子俊增置城設在山原係極衝上地周圍凡二里零一百七十二步樓鋪一十五座萬曆三十五年巡撫涂宗濬用磚包砌邊垣長二十里零八十一一步墩臺二十三座

高家堡 南至及州一百六十里北至大邊三里東至栢林堡四十里西至建安堡四十里 唐豐州地宋飛鵝

川元彌川巡檢司明正統四年巡撫陳鑑建後余子俊屢修城設在平川係極衝上地周圍凡三里零二十九步樓鋪一十五座萬曆三十五年巡撫涂宗濬用磚包砌邊垣長四十二里零二百三十八步墩臺四十四座

栢林堡 東至天栢油堡二十里西至高家堡四十里南至黃河一百二十里北至大邊一里 唐勝州地產栢故

名明成化初巡撫盧祥置城設在山原係極衝下地周圍凡二里零一十二步樓鋪八座萬曆三十五年巡撫涂宗濬用磚包砌邊垣長四十三里零一十六步墩臺二十六座

大栢油堡 南至高家堡一百二十里北至大邊三里東至神木堡三十里西至栢林堡二十里 唐麟州地明弘

治初置城設在山上係極衝下地周圍凡二里零九十二步樓鋪一十二座萬曆三十五年巡撫涂宗濬用磚包砌邊垣長二十七里零三百三十步墩臺一十七座

神木堡 東至水興堡四十里西至大栢油堡四里南至高家堡一百二十里北至大邊四十里 春秋屬趙漢五

原新秦魏朔州隋豐州後周為銀勝二州唐麟州地

以上

宋移治吳兒堡改鎮西軍後為神木寨元置雲州明為神木縣後因為堡城設在平川係極衝中地周圍凡五里零七十步樓鋪三十三座隆慶五六年加高萬曆六七年用磚包砌邊垣長七十五里零八十六步墩臺六十座

永興堡 東至鎮羌堡三十七里西至神木堡五十二里南至黃河九十里北至大邊一十三里 隋連谷縣唐麟州

郡宋為黑城兒明成化中余子俊遣鎮羌指揮宋祥置城設在山上係次衝中地周圍凡二里零二十五步樓鋪八座萬曆三十五年巡撫徐宗濬用磚包砌邊垣長六十二里零八十六步墩臺三十九座

鎮羌堡 南至府谷縣八十里北至大邊一十里東至孤山堡四十里西至永興堡四十里 隋連谷縣地唐麟州

延綏鎮志 卷之一 七

州郡明始守東村成化二年巡撫盧祥置城設在山原係極衝中地周圍凡二里零二百二十九步樓鋪

十座萬曆三十五年巡撫徐宗濬用磚包砌邊垣長四十五里零一百一十九步墩臺二十九座

孤山堡 東至本州府城四十里西至鎮羌堡四十里南至府谷縣四十里北至大邊一十五里 唐勝州地後為

孤圪塔馬營明正統二年巡撫郭置堡西山成化初移置今堡城設在山畔係次衝上地周圍凡三里

零三十四步樓鋪一十四座萬曆三十五年巡撫徐宗濬用磚包砌邊垣長三十七里零二百五十五步

墩臺五十座 木瓜園堡 東至清水營三十里西至孤山堡四十里南至府谷縣五十里北至大邊四十里 唐勝州地明成

化十六年設堡隸孤山二十三年展中城弘治十四年募軍治為新城城設在山上係次衝上地周圍凡三里零九十步樓鋪一十七座萬曆三十五年巡撫徐宗濬用磚包砌邊垣長三十三里零一百五十四步墩臺三十二座

清水營 東至黃甫川一十五里西至木瓜園堡三十里南至府谷縣八十里北至大邊二十里 唐勝州地宋屬

府州路元為芑州明成化二年巡撫盧祥置撤府谷縣兵守之城設在山坡係次衝中地城周圍凡三里

一十八步樓鋪一十九座萬曆三十五年巡撫徐宗濬用磚包砌新修關城三里二百九十八步邊垣長三十二里零二百步墩臺三十二座

延綏鎮志 卷之一 八

黃甫川堡 東至黃河二十里西至清水營十五里南至府谷縣九十五里北至大邊二十里 春秋趙地唐勝

州宋府州地明天順中清水營弘治初始添設關城城設在山畔係次衝中地周圍凡三里零二百七十

四步樓鋪十六座萬曆三十五年巡撫徐宗濬用磚包砌邊垣長三十里零二百一十步墩臺二十八座

龍州城 東至清水營三十五里西至鎮羌堡四十里南至延安府三百里北至大邊五里 漢為龍州宋夏州

右堡岩為范仲淹哨馬營明成化五年巡撫王銳建城設在平地係極衝中地周圍凡二里三百一十六

步樓鋪九座隆慶六年加高萬曆六年磚砌牌墻垛口邊垣長三十四里墩臺二十五座

鎮靖堡 東至魏州城四里西至靖邊營八十里南至延安府三百里北至大邊二里 宋夏州地後為白

灘兒明初始守塞門成化五年巡撫王銳進守軍架

城八年余子俊移兵守之城設在山畔係極衝中地

周圍凡四里三分樓鋪一十九座隆慶六年加高萬

曆六年磚砌牌牆垛口邊垣長四十七里墩臺四十

三座

鎮羅堡 南至延安府三百里北至大邊半里東至鎮靖堡四里西至靖邊營四里 宋夏州地城設在

平川係極衝中地周圍凡三百七丈邊垣長三十里

墩臺一十座

靖邊營 東至鎮羅堡四里西至寧塞堡四里南至延安府三百二十里北至大邊一里 宋夏州兀喇城

保安軍范仲淹即其東西築哨馬營明景泰四年巡

延綏鎮志

卷之一

九

撫陸矩改築新城成化十一年余子俊改置靖邊營

撤保安兵守之城設在平原係極衝上地周圍凡八

里樓鋪二十九座隆慶六年加高萬曆六年磚砌牌

牆垛口邊垣長四十五里墩臺三十二座

寧塞堡 東至靖邊營四里西至魏州城四里南至保安堡一百四十里北至大邊二里 宋夏州地舊屬

栲栳城明成化十一年置堡撤三岔堡兵守之城設

在山原係極衝中地周圍凡四里三分樓鋪一十八

座隆慶六年加高萬曆六年磚砌牌牆垛口邊垣長

五十四里零二百八十步墩臺五十四座

把都河堡 東至寧塞堡三十四里西至永濟堡三十里南至保安堡一百二十里北至大邊二十里 宋夏州地明

始守栲樹澗成化九年余子俊置城周圍凡三里一

百八十步樓鋪一十一座隆慶六年加高萬曆六年

磚砌牌牆垛口今裁併寧塞

栲樹澗堡 東至寧塞堡

栲樹澗故名明始設堡成化九年余子俊奏守永濟

嘉靖三十七年巡撫董威築舊堡復自永濟移守於

此城設在山上係極衝中地周圍凡三里七分樓鋪

一十八座隆慶六年加高萬曆六年磚砌牌牆垛口

邊垣長三十三里零二百三十六步墩臺四十八座

新安邊營 東至永濟堡三十里西至新興堡四十里南至慶陽府五百里北至舊安邊六十里 宋夏州深河兒

地中山坡明成化十一年余子俊置今堡撤舊安邊

兵守之城設在山坡係極衝中地周圍凡四里三十

延綏鎮志

卷之一

十

五步樓鋪一十四座隆慶六年加高邊垣長一十二

里墩臺一十七座

舊安邊營 東至栲樹澗四十里西至樓井堡五十里南至新安邊六十里北至大邊一里 宋鹽井地後為

深井明正統二年巡撫郭 置成化十一年改置新

安邊營成化末以定邊孤懸復守今營城設在平州

係極衝中地周圍凡四里三分樓鋪二十座隆慶六

年加高萬曆六年磚砌牌牆垛口邊垣長三十三里

零二十三步墩臺五十一座

新興堡 東至新安邊七十里西至石塔池堡四十里南至走馬城一百里北至栲樹澗堡八十里 宋夏州地舊有

東西海螺二城明初始守碑井成化十一年余子俊

始即東海螺設今堡城設在山上係次衝中地周圍

凡一里一百四十六步樓鋪八座隆慶六年重修萬曆六年加高邊垣長七里墩臺一十一座今裁併定邊營

磚井堡 東至舊安邊四十里西至定邊營五十里南至新興堡一百里北至大邊一里 宋鹽州地舊新興

堡有古井以磚甃者故名明正統二年巡撫郭 置

城設在平川係極衝上地周圍凡三里二百五十步

樓鋪一十二座萬曆六年加高磚砌牌牆垛口邊垣

長一十七里墩臺二十二座

石澇池 東至新興堡四十里西至三山堡六十里南至慶陽府三百里北至定邊營一百里 宋鹽池地水鹵

不可飲東有澇池堡人汲者便之故名明初守磚井

成化十一年余子俊增築堡城設在山上係次衝上

延綏鎮志

卷之一

十一

地周圍凡三里一百八十四步樓鋪三座萬曆三年

加高邊垣長九里零二百七十四步墩臺一十四座

今裁併定邊營

三山堡 東至石澇池六十里西至花馬池一百五十里南至鏡陽堡七十里北至定邊營九十里 宋鹽池地三山

兒明參將岳嵩退保余子俊撤磚井兵守之成化九

年始增築城設在山畔係次衝中地周圍凡二里二

百四十步樓鋪三座萬曆三年加高邊垣長五里墩

臺八座今裁併定邊營

定邊營 東至磚井堡五十里西至花馬池六十里南至石澇池一百里北至大邊五十步 秦漢北地郡地後

魏大興郡西魏改五原郡兼置西安州以近鹽改鹽

州隋初廢煬帝置鹽州郡唐初為梁師都所陷武德

元年收復鹽州更五原郡設都督府貞元二年沒吐

蕃九年復城之領縣二曰五原白池宋咸平中陷於

夏明正統二年置定邊營嘉靖中遊擊梁震設關城

城設在平川係極衝上地周圍凡四里一百七十五

步樓鋪二十八座萬曆元年展西關三四兩年加高

六年磚砌牌牆垛口邊垣長五十四里墩臺七十七

座

鹽場堡 東至定邊營二十里西至花馬池二十里北至大邊五十里 明成化十三年余子俊

置堡城設在平川係極衝中地周圍凡二里三分樓

鋪九座弘治四年巡撫劉忠增修萬曆三年加高

鏡陽水堡 東至沙家掌五十里西至寧夏家城一百二十里南至紅德城九十里北至三山堡四十里 宋夏州地

延綏鎮志

卷之一

十二

鏡陽水頭古蕭關明成化十三年余子俊置隸慶陽

衛十五年巡撫丁川改屬本鎮城設在腹裏周圍凡

二里三十步樓鋪八座萬曆二年重修今裁併定邊

營 以上

附記

河套東接山西偏頭關西至寧夏鎮相距二十里而

遙南則限以邊牆北瀆黃河遠者八九百里六七百

里近者亦二三百里惟黃甫川之南焦家坪及孃孃

灘羊圈渡口為最近其地東北有大山而河流其中

瀆河之地往往有城郭皆漢縣也河水自富平故城

而來東北逕渾懷障都尉之所治而障之西南有忻